

Ibibazo bikunzwe kubazwa vyerekeye ikiza kibangamira ukwitaho abana EBT (P-EBT)

-kandi-

P-EBT y'ici ku bana b'ishure (**bishasha!)

Umwaka w'ishure 2021-2022 (*Myandagaro 5, 2022*)

Ikibazo ca 1: P-EBT ni iki?

Inyishu: Ni akarusho mfatakibanza ku mfungurwa kemewe na leta mu gufasha ingo zakozweko n'ikiza ca COVID-19 bitumwe no kwugara amashure n'ibisibo vyo kw'ishure.

Ikibazo ca 2: Ni bande bemerewe kuronka uturusho two kwitaho abana P-EBT?

Inyishu: Ingo z'i Verimonti zifise abanyeshure bategerezwa kuronka imfungurwa ku buntu canke ku giciro kigabaniye kw'ishure biciye muri gahunda y'ighugu yo kugaburira abana kw'ishure. Uburusho buriho ku kwezi nimba:

- umunyeshure yaronse n'imiburiburi uguiba gusiguye kubwa COVID muri uko kwezi **kandi**
- ishure ry'umunyeshure "ryemerewe" kuri P-EBT. *Raba integuro ya reta kugira wige ingene ishure ryemererwe kuri P-EBT: <https://dcf.vermont.gov/esd/covid19/P-EBT>.*

Ikibazo ca 3: Ni ibiki vyerekana uwisiguye kw'isiba ryiwe kubera COVID?

Inyishu: Ukwisigura kw'isiba kubera COVID bisigura uguiba kw'ishure bivuye ku mvo n'imwe muri izi zikurikira:

- Wanduye COVID canke indwara ya COVID yibonekeje,
- Abasanze baregeranye n'uwanduye COVID,
- Ibimenyetso vya COVID bisaba ko uja aha wenyene kandi/canke ugapimwa COVID, canke
- Ishure ritateguwe, ukwugara ishure canke igisata, uguhindurirwa kwiga ku rubuga bivuye ku mvo za COVID, harimwo abanduye, abakozi bake nk'inyishu ya COVID, ugushaka kurondera abegeranye n'abanduye, n'ibindi.

Ikibazo ca 4: Ishure ryacu ryarugaye kubera wari umunsi hari urubura rwinshi canke amazi yari yateye. Boba abo banyeshure bemerewe kuronka P-EBT ukwo kwezi?

Inyishu: Oya, amashure yonyene yugaye ku mvo za COVID niyo aharurwa.

Ikibazo ca 5: Ni gute nobona ko urugo rwanje rwemerewe?

Inyishu: Ishure ry'umunyeshure wawe rizoraba nimba umunyeshure wawe yemerewe, hakurikijwe ingingo zitangwa na reta ya Vermont. Ishure rishobora kukurondera kugira ryemeze ko bafise amakuru nyayo yanditse ku rupapuro. Usabwe kwishura igisabo cabo. Nimba ufise ibisabwa, uzoronka ikete rivuye ku gisata c'abana n'imiryango (DCF) risigura ingene n'igihe uzoronka akarusho.

Ikibazo ca 6: Nararonse ikarata P-EBT mu mwaka w'ishure uheze (2020-21), yamara ntayo nkifise. Ico coba ari ikibazo?

Inyishu: DCF ishobora kukurungikira ikarata yo kuyisubirira. Ivyitonderwa bizoshirwa mumakete amenyesha uburusho azosohoka muri Ndamukiza hamwe na Myandagaro. Turakwinginze ubike ikarata yawe nshasha nimba wayironse. Uturusho twinyongera dushobora kwongerwako kuko hari incuro zirenze imwe zo guhembwa muri uyu mwaka w'ishure.

Ikibazo ca 7: Ni ryari uturusho tuzotangwa?

Inyishu: Igice ca mbere c'uburusho kuva Nyakanga 2021 gushika Nzero 2022 tuzotangwa kare muri Ruheshi 2022. Uburusho bwo kuva muri Ruhuhuma 2022 gushika Ruheshi 2022 buzotangwa muri Nyakanga.

Ikibazo ca 8: Akarusho P-EBT ni amahera angahe?

Inyishu: Igiciro c'akarusho ku kwezi cisunga igitigiri c'ugusiba ingene kingana bivuye kuri COVID:

- Amadori 39.90 buri kwezi kuva Nyakanga 2021 gushika Nzero 2022
 - Amadorari 48.78 buri kwezi kuva Nzero gushika Ruheshi 2022
-

Ikibazo ca 9: Akarusho P-EBT ni kamwe utaravye igitigiri c'abana bari mu rugo?

Inyishu: Akarusho ka buri kwezi ni kamwe kuri buri munyeshure akwije ibisabwa. Imiryango izoronka uburusho butandukanye bivanye n'igitigiri c'amezi buri mwana mu muryango yari afise ibisabwa kuri P-EBT.

Ikibazo ca 10: Ububasha k'umunyeshuri wanje buri hagati y'ingo zibiri. Ni nde aronka akarusho?

Inyishu: Akarusho kazorungikirwa uwukuze yashizwe ku rutonde nk'umukuru w'urugo n'ishure ry'umunyeshure. Ashobora kuba uwukuze yanditswe ku cete ca gusa canke c'igiciro kigabanije kubw'umunyeshure, canke uwukuze ari ku rutonde nk'uworonderwa ubwa mbere n'ishure. Amashure yararondeye ingo muri Ruhuhuma kugira bemeze uwoshirwa ku rutonde

nk'uwuserukira urugo. Raba urondere ishure nimba uwuserukira urugo akenewe gushirwa ku mwanya.

Ikibazo ca 11: Nogura iki n'aka karusho?

Inyishu: Raba imfungurwa ushobora kugura n'akarusho P-EBT kawe ku rubuga rwa USDA: <https://www.fns.usda.gov/snap/eligible-food-items>.

Ikibazo ca 12: Ni hehe nokoresha ikarata yanje P-EBT?

Inyishu: Ushobora kuyikoresha mu kugura imfungurwa ahariho hose bemera 3SquaresVT. Aha harimwo inzu zigurisha imfungurwa, inzu nini z'ibidandazwa, inzu zigurisha imfungurwa za leta, hamwe n'amasonko menshi y'abarymi borozi b'i Verimont. Menya vyinshi ku rubuga rwa DCF kuri <https://dcf.vermont.gov/benefits/ebt>.

Ikibazo ca 13: Ntabana mfise mw'ishure. Noronka aka karusho?

Inyishu: Oya. Aka karusho ni ak'ingo gusa aho abana baronka imfungurwa ku buntu canke ku giciro kigabanije kw'ishure mu mugambi w'ighugu wo kugaburira abana kw'ishure kandi ubu nyene bakeneye gufungura izo mfungurwa muhira kubera imvo zo gusiba kubera COVID canke iyugarwa ry'ishure canke ikirasi.

Ikibazo ca 14: Ibi ni ivy'abana bari mu mashure ya leta?

Inyishu: Oya. Amashure amwe amwe yigenga aritabira umugambi wa leta wo kugaburira abana kw'ishure, kandi abana kuri ayo mashure bashobora kwererwa gutora aka karusho. Yamara, amashure menshi yigenga ntiyitabira umugambi wa leta wo kugaburira abana kw'ishure, kandi abanyeshure bayo ntibemerewe gutora aka karusho.

Ikibazo ca 15: Hama amashure atanga imfungurwa zo mu gitondo n'izo ku muhingamo ku buntu ku banyeshure bose bakoresha icete co kwemererwa mu kibano (CEP) canke icete ca 2?

Inyishu: Abanyeshure bose bo mu mashure afise ibisabwa kuri P-EBT bazoronka akarusho P-EBT ku mezi basivye kubera imvo za COVID canke iyugarwa ry'ishure canke ikirasi.

Ikibazo ca 16: Abanyeshure bose aho umwana wanje yiga baronka akavunamusase gaciye mu cete ca 2. Bose bazoronka akarusho P-EBT?

Inyishu: Oya. Akarusho kari ku banyeshure mu mashure atanga akavunamusase hamwe n'impfungurwa zo ku muhingamo ku buntu biciye mu cete ca 2 canke CEP. Nimba ishure ryawe ritanga akavunamusase ku buntu biciye mu cete ca 2, kwemererwa kuri P-EBT bizova ku kwemererwa kwa buri munyeshure ku mfungurwa zo ku muhingamo zo ku buntu canke ku giciro kigabanije.

Ikibazo ca 17: Ishure ryacu rizotanga imfungurwa ku buntu ku bana bose uwu mwaka. Vyoba bisigura ko abanyeshure bose bazoronka akarusho?

Inyishu: Oya. Nimba ishure ry'umunyeshure wawe ridatanga “Imfungurwa kuri bose” biciye muri CEP canke icete ca 2 rero ukwemererwa kuzova ku kwemererwa kw’umunyeshure ubwiwe ku mfungurwa zo ku buntu canke ku giciro kigabanje. Amashure atanga imfungurwa zo kubuntu ku bana bose uwu mwaka hakoreshejwe USDA, ariko ntibituma abanyeshure bose kwishure bemererwa P-EBT.

Ikibazo ca 18: Umwana ariko yigira muhira uwu mwaka. Twoba duhabwa amahirwe ku karusho?

Inyishu: Oya. Akarusho P-EBT ni ak’abanyeshure gusa banditswe kw’ishure riri muri gahunda y’ighugu yo kugaburira abana. Abanyeshure banditswe kwigira i muhira bashobora kuguma baronka imfungurwa ku mbuga ngurukanabumenyi. Hamagara 2-1-1 canke utembere ku rubuga rwa USDA barondera imfungurwa kugira urabe imfungurwa ziri hafi yawe: <https://www.fns.usda.gov/meals4kids>.

Ikibazo ca 19: Igihe ishure ryacu ryugaye canke umwana wanje yasivye, turatora imfungurwa dutwarana canke ishure rirarungika imfungurwa muhira.

Notegerezwa kubihagarika nimba ndonse akarusho P-EBT? Ivyo vyotuma tudahabwa amahirwe yo kuronka akarusho?

Inyishu: Oya. Abanyeshure baronka imfungurwa bigira ku buhinga ngurukanabumenyi baremerewe kuronka akarusho P-EBT. Ushobora kubandanya utora izo mfungurwa kandi ufise amahirwe yo kuri aka karusho.

Ikibazo ca 20: Ndafise abandi bana batari mw’ishure. Boba bemerewe kuronka akarusho?

Inyishu: Oya. Akarusho P-EBT ni ak’abanyeshure gusa banditswe kw’ishure riri muri gahunda y’ighugu yo kugaburira abana.

Ikibazo ca 21: Abana banje ntibaronse amahirwe yo kuronka imfungurwa ku buntu canke ku giciro kigabanje imbere, ariko ubu ibintu vyarahindutse.

Ndashobora kuronka P-EBT?

Inyishu: Nimba ivy’ubutunzi bwawe vyarahindutse, twogusaba ko wogerageza aha:

- **3SquaresVT** - nimba uronse akarusho ka buri kwezi, umwana wawe afise amahirwe yo kuronka imfungurwa ku buntu kw’ishure kandi ushobora kuronka akarusho P-EBT. Raba ibijanye no kwiyandikisha ku rubuga rwa DCF kuri <https://dcf.vermont.gov/benefits/3SquaresVT>.
- **Imfungurwa zo ku buntu canke ku giciro kigabanje** – ronka aho kwiyandikisha bivuye kw’ishure ry’umwana wawe canke ku rubuga rw’igisata c’ishure: <https://education.vermont.gov/>. Amakete yatanzwe yemewe n’ishure ryawе ashobora kuronka amahirwe y’uturusho tugarutse kuva muri Nyakanga 2021.

Ikibazo ca 22: Ni gute nimba ntakeneye aka karusho?

Inyishu: Ukwitabira ntagahato. Nimba uhisemwo kutitabira, nahamwe:

- Ntukoreshe uturusho turenzeko twashizwe kw'ikarata yawe 3SquaresVT EBT. *CANKE*
- Fata ikarata yawe P-EBT mu kuyikata ucishije mu kantu gasumakura kandi uyibike mu buryo butekanye. NTUshobora gutanga ikarata yawe ku wundi muntu.

Ikibazo ca 23: Uturusho P-EBT twoba duta igihe nimba tudakoreshejwe?

Inyishu: Ego. Uturusho P-EBT tuzota igihe nimba ikarata idakoreshejwe mu minsi 274.

Ikibazo ca 24: Ndafise ibibazo vyinshi. Ni hehe nomenya ayandi makuru?

Inyishu: Ja kuri <https://dcf.vermont.gov/esd/covid19/P-EBT> canke uhamagare kuri 1-800-479-6151 kugira uronke ayandi makuru. Raba urondere ishure ry'umunyeshure wawe nimba ufise amakenga ku kwemererwa kw'umunyeshure wawe ku mfungurwa zo ku buntu hamwe no ku giciro kigabanje canke ushaka guhindura umukuru w'urugo canke aderesi ya posita uzokoresha mu gutanga ikarata.

******* P-EBT yo mu ci *******

Ikibazo ca 25: P-EBT yo mu ci ni iki?

Inyishu: Ni ivyongewe ku turusho twa P-EBT ku bana b'ishure kurenga mu ci.

Ikibazo ca 26: Ni bande bemerewe kuronka uturusho P-EBT two mu ci?

Inyishu: Ingo z'i Verimont z'abanyeshure bari baremerewe mu mwaka w'ishure 2021-2022 kandi bari banditswe mw'ishure ry'i Verimont nko muri Ruheshi. Abanyeshure bemerewe ni abo bemerewe gufungura ku buntu canke ku giciro kigabanje canke baja kw'ishure ritanga akavunamusase hamwe ivyo k muhingamo biciye ku cete ca 2 canke CEP.

Ikibazo ca 27: Ni gute nobona ko urugo rwanje rwemerewe?

Inyishu: Ishure ry'umunyeshure wawe rizoraba nimba umunyeshure wawe yemerewe, hakurikijwe ingingo zitangwa na reta. Ishure rishobora kukurondera kugira ryemeze ko bafise amakuru nyayo yanditse ku rupapuro. Usabwe kwishura igisabo cabo. Nimba wemerewe, uzoronka ikete rivuye muri DCF risigura uko hamwe na ryari uzoronka akarusho.

Ikibazo ca 28: Nimba twemerewe, ni gute tuzoronka ubwo burusho?

Inyishu: Nimba uriko uronka 3SquaresVT kw'ikarata EBT, uzoronka akarusho P-EBT kuri iyo karata. Nimba waramaze kuronka ikarata P-EBT, uzoronka akarusho P-EBT kuri iyo karata. Nimba atari uko, uzoronka ikarata P-EBT idasanzwe. Raba ugumane ikarata yawe P-EBT.

Ikibazo ca 29: Ni ryari uturusho two mu ci tuzotangwa?

Inyishu: Hari ibice bibiri vy'uturusho P-EBT two mu ci turiko dutangwa:

- Igice ca mbere c'uturusho P-EBT two mu ci ku banyeshure bamaze kuba baremerewe gufungura imfungurwa ku buntu/ku giciro kigabaniye canke bakitabira ishure rya CEP canke icete ca 2 nko muri Ruheshi gitegekanije gutangwa muri Myandagaro 2022.
 - Ku banyeshure biga mu mashure y'i Verimont nko muri Ruheshi 2022, yamara bemewe gufungura ku buntu/ku giciro kigabaniye mu gihe c'ici, uturusho tuzotangwa muri Nyakanga 2022.
-

Ikibazo ca 30: Ni ikihe gihe c'ici gifatwa mu bijanye no gusaba gufungura ku buntu/ku giciro kigabaniye hamwe no kuronka P-EBT y'ici?

Inyishu: Imiryango itaremererwa gufungura kubantu/ku giciro kiganaije ishobora kubisaba umwanya uwo ariwo wose kuva muri Myandagaro 19, 2022 kandi nimba basanze bemerewe bazoronka akarusho P-EBT ko mu ci kose. Imiryango yiyandikishiye gufungura ku buntu/ku giciro kigabaniye inyuma y'ishure ikaba itemerewe kandi kuri canke imbere ya Myandagaro 19 izoronka uturusho P-EBT two mu ci mu gice ca kabiri muri Nyakanga. Igenekerezo rya nyuma ryo kwiyandikisha gufungura ku buntu/ku giciro kigabaniye ku mvo zo kuronka P-EBT yo mu ci ni Myandagaro 19, 2022.

Ikibazo ca 31: Akarusho P-EBT ko mu ci ni amahera angahe?

Inyishu: Akarusho P-EBT ko mu ci ni ama dorari 391 kuri buri mwana yemerewe. Iki ni igiciro gitangwa rimwe ku karusho.

Ikibazo ca 32: Akarusho P-EBT ko mu ci ni kamwe utaravye igitigiri c'abana bari mu rugo?

Inyishu: Akarusho P-EBT ko mu ci ni amadorari 391 kuri buri mwana yemerewe.

Ikibazo ca 33: Nimba ntora imfungurwa z'umwana wanje kw'ishure kuri *Grab and Go* canke nkoresha iyindi gahunda yo kuronka imfungurwa, noba ntegerezwa guhagarika nimba ndonse akarusho P-EBT ko mu ci? Ivyo vyotuma tudahabwa amahirwe yo kuronka akarusho?

Inyishu: Oya. Ushobora kubandanya utora izo mfungurwa kandi ufise amahirwe yo kuri aka karusho.

Ikibazo ca 34: Ndafise abandi bana batari mw'ishure. Boba bemerewe kuronka akarusho?

Inyishu: Oya. Raba ibibazo bikunze kubazwa mu kwitaho abana P-EBT kugira uronke ayandi makuru ajanye n'ivyo abana bemerewe ku karusho ko kwitaho abana, harimwo n'akarusho ko mu ci.

Ikibazo ca 35: Umwana yahejeje amashure yisumbuye muri Ruheshi 2022, umwana wanje yoba yemerewe?

Inyishu: Nimba umwana wawe yari yemerewe gufungura ku buntu / ku giciro kigabaniye muri Ruheshi 2022, umwana wawe azoba yemerewe ku karusho P-EBT ko mu ci.

Ikibazo ca 36: Umwana yahejeje amashure yisumbuye kare muri Nzero 2022, umwana wanje yoba yemerewe?

Inyishu: Oya. Kugira yemererwe ku karusho P-EBT ko mu ci, umwana ategerezwa kuba yariko ariga nko muri Ruheshi 2022. Rero kubona umwana wawe yahejeje amashure muri Nzero, ntiyemerewe yanditswe muri Ruheshi.

Ikibazo ca 37: Umwana wanje yoba ategerezwa kwitabira ishure ryo mu ci kugira yemererwe akarusho P-EBT ko mu ci?

Inyishu: Oya. Kuja kw'ishure mu ci si ico twofatirako kugira tumenye nimba umwana yemerewe akarusho P-EBT ko mu ci.

Ikibazo ca 38: Uturusho P-EBT two mu ci twoba duta igihe nimba tudakoreshejwe?

Inyishu: Ego. Uturusho P-EBT tuzota igihe nimba ikarata idakoreshejwe mu minsi 274.

Ikibazo ca 39: Umwana wanje afise amahirwe yo gufungura ku buntu hamwe no ku giciro kigabaniye yamara yariko yiga kw'ishure mu mwaka w'ishure 2021-2022, umwana wanje yoba yemerewe kuronka akarusho P-EBT ko mu ci?

Inyishu: Ego. Ukwemererwa biva kuba wemerewe gufungura ku buntu /ku giciro kigabaniye.

Ikibazo ca 40: Ndafise ibibazo vyinshi bijanye na P-EBT yo mu ci. Ni hehe nomenya ayandi makuru?

Inyishu: Ja kuri <https://dcf.vermont.gov/esd/covid19/P-EBT> canke uhamagare 1-800-479-6151 kuri 7 kugira uronke ayandi makuru. Raba urondere ishure ry'umunyeshure wawe nimba ufise amakenga ku kwemererwa kw'umunyeshure wawe ku mfungurwa zo ku buntu hamwe no ku giciro kigabaniye canke ushaka guhindura umukuru w'urugo canke aderesi ya posita uzokoresha mu gutanga ikarata.

